



BOSNIA AND HERZEGOVINA
MINISTRY OF FINANCE AND TREASURY



CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА
CENTRAL HARMONIZATION UNIT

Broj: 01-1-02-2-107-1/24
Sarajevo, 15.02.2024. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 33f. stav (2) tačka g) i h) Zakona o finansiranju institucija Bosne i Hercegovine („Službeni glasnik BiH“ br. 61/04, 49/09, 42/12, 87/12, 32/13 i 38/22), čl. 15. i 19. Zakona o internoj reviziji institucija Bosne i Hercegovine („Službeni glasnik BiH“ br. 27/08 i 32/12), člana 3. stav (1) i član 4. stav (1) Pravilnika o godišnjem izvještavanju o sistemu finansijskog upravljanja i kontrole u institucijama BiH broj 03-1-02-2-302-1/15 od 17.09.2015. godine, direktor Centralne harmonizacijske jedinice Ministarstva finansija i trezora Bosne i Hercegovine *donosi*

ODLUKU

o produženju rokova za dostavljanje godišnjih izvještaja o sistemu finansijskog upravljanja i kontrole i izvještaja jedinica interne revizije institucija Bosne i Hercegovine za 2023. godinu

Član 1.

(Predmet Odluke)

Centralna harmonizacijska jedinica Ministarstva finansija i trezora Bosne i Hercegovine (u daljnjem tekstu: CHJ MFiT BiH) donosi Odluku o produženju rokova za dostavljanje godišnjih izvještaja o sistemu finansijskog upravljanja i kontrole i godišnjih izvještaja jedinica interne revizije institucija Bosne i Hercegovine CHJ MFiT BiH.

Član 2.

(Rokovi)

- (1) Zbog tehničkih problema u radu Aplikacije za praćenje, upravljanje i izvještavanje o sistemu finansijskog upravljanja i kontrole i interne revizije u institucijama Bosne i Hercegovine (PIFC aplikacija), produžavaju se rokovi za dostavljanje godišnjih izvještaja o sistemu finansijskog upravljanja i kontrole i godišnjih izvještaja jedinica interne revizije za 2023. godinu.
- (2) Rok za dostavljanje godišnjih izvještaja o sistemu finansijskog upravljanja i kontrole za 2023. godinu Centralnoj harmonizacijskoj jedinici Ministarstva finansija i trezora Bosne i Hercegovine je 01.03.2024. godine.

- (3) Rok za dostavljanje godišnjih izvještaja jedinica interne revizije za 2023. godinu Centralnoj harmonizacijskoj jedinici Ministarstva finansija i trezora Bosne i Hercegovine je 01.03.2024. godine.

Član 3.
(Primjena)

- (1) Izrada i dostavljanje godišnjih izvještaja o sistemu finansijskog upravljanja i kontrole i godišnjih izvještaja interne revizije vrši se korištenjem *PIFC* aplikacije.
- (2) Popunjen obrazac godišnjeg izvještaja o sistemu finansijskog upravljanja i kontrole za 2023. godinu preuzima se iz *PIFC* aplikacije, te potpisan i ovjeren od strane rukovodioca institucije dostavlja Centralnoj harmonizacijskoj jedinici Ministarstva finansija i trezora Bosne i Hercegovine.
- (3) Izvještaji koji ne budu popunjeni u cjelosti u *PIFC* aplikaciji neće biti uzeti u razmatranje prilikom izrade Konsolidiranog godišnjeg izvještaja o sistemu finansijskog upravljanja i kontrole u institucijama BiH za 2023. godinu.
- (4) Godišnji izvještaj interne revizije potrebno je dostaviti u štampanom i elektronskom formatu, na način kako je to definirano u Zahtjevu za dostavljanje podataka za izradu Godišnjeg konsolidiranog izvještaja interne revizije za 2023. godinu broj: 02-1-16-7-418-1/23 od 14.12.2023. godine.

Član 4.
(Dostupnost Odluke)

- (1) Odluka se objavljuje na internet stranici CHJ MFiT BiH <https://chj.mft.gov.ba> (u rubrici Registar propisa za *PIFC*), odnosno na internet stranici Ministarstva finansija i trezora Bosne i Hercegovine (www.mft.gov.ba), u dijelu koji se odnosi na CHJ MFiT BiH.
- (2) CHJ MFiT BiH obavijestit će sve institucije BiH o donošenju Odluke s informacijom o dostupnosti odluke na internet stranici.

DIREKTOR

Mr. Vladimir Stanimirović, s.r.

Dostaviti:

- Institucijama BiH,
- Jedinicama interne revizije u institucijama BiH
- Internet stranica CHJ MFiT BiH
- a/a